

Reifun á úrskurði nr. 2/2016 - Tollflokkun Mercedes Benz Sprinter bifreiðar

T kærði ákvörðun Tollstjóra um tollflokkun á bifreiðinni Mercedes Benz Sprinter 313 CDI. Tollstjóri tollflokkaði bifreiðina í tollskrárnúmer 8704.2128, sem pallbifreið með opnu vörurými. Kærandi mótmælir því og telur að bifreiðin skuli flokkast sem sendibifreið með lokuðu vörurými í tollskrárnúmer 8704.2199.

Niðurstaða: Bifreið sem hér um ræðir er vöruflutningabifreið sem samanstendur af lokuðu ökumannshúsi og palli þar sem strengdur hefur verið yfir dúkur sem skýlir varningi þeim sem fluttur er á pallinum. Kærandi telur að bifreiðina skuli flokka sem vöruflutningabifreið með vörurými. Tollstjóri fellst ekki á það með kæranda enda er um að ræða bifreið með vörupalli þar sem dúkur getur ekki talist varanleg yfirbygging. Bifreiðin skal þar af leiðandi flokkast í tollskrárnúmer 8704.2128.